



Broj/Број: 01/2a-50-1-2-42/09
Sarajevo/Сарајево, 15.4.2009.godine

ZAPISNIK
42. sjednice Komisije za vanjske poslove
Predstavničkog doma Parlamentarne skupštine BiH,
održane 15.4. 2009.

Sjednica Komisije počela je u 9 sati. Sjednici su prisustvovali članovi Komisije: Slavko Matić, Milica Marković, Milorad Živković, Husein Nanić, Sadik Ahmetović i Denis Bećirović.

Osim članova, Komisije sjednici su prisustvovali: Zoran Perković iz Ministarstva vanjskih poslova BiH, Miroljub Krunić iz Ministarstva finansija i trezora BiH, Lejla Hadžić i Vedran Mulabdić iz Ministarstva sigurnosti BiH.

Zapisnik su vodili Merdžana Iglica, sekretar Komisije za vanjske poslove, i Miroslav Stanišić, stručni suradnik u Komisiji za vanjske poslove.

Predsjedavajući Slavko Matić je na početku pozdravio prisutne članove Komisije za vanjske poslove i predstavnike Vijeća ministara BiH.

Za 42. sjednicu Komisije za vanjske poslove jednoglasno je usvojen sljedeći

DNEVNI RED

1. Usvajanje Zapisnika 41. sjednice Komisije;
2. Davanje mišljenja o saglasnosti za ratificiranje:
 - a) Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – *finansiranje sistema vodosnabdijevanja u općini Ljubuški* (resorno ministarstvo: Ministarstvo finansija i trezora BiH);
 - b) Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – *finansiranje sistema otpadnih voda u općini Fojnica* (resorno ministarstvo: Ministarstvo finansija i trezora BiH);
 - c) Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – *finansiranje sistema otpadnih voda u općini Široki Brijeg* (resorno ministarstvo: Ministarstvo finansija i trezora BiH);
 - d) Sporazuma o zajmu između Vijeća ministara BiH, Vlade Federacije BiH i Vlade Republike Srpske i Izvozno-uvozne banke Koreje (Vladina agencija za EDCF) –

projekat modernizacije bolnica u Bosni i Hercegovini – Faza II (resorno ministarstvo: Ministarstvo finansija i trezora BiH);

- e) Protokola protiv nezakonite proizvodnje i trgovine vatrenim oružjem, njegovim dijelovima, komponentama i municijom, kojim se dopunjava Konvencija Ujedinjenih naroda protiv transnacionalnog organiziranog kriminala (resorno ministarstvo: Ministarstvo sigurnosti BiH).

Ad.1. Usvajanje Zapisnika 41. sjednice Komisije

Nije bilo primjedbi i članovi Komisije jednoglasno su usvojili Zapisnik 41. sjednice Komisije za vanjske poslove.

Ad. 2. a) Davanje mišljenja o saglasnosti za ratificiranje Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – *finansiranje sistema vodosnabdijevanja u općini Ljubuški*

b) Davanje mišljenja o saglasnosti za ratificiranje Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – *finansiranje sistema otpadnih voda u općini Fojnica*

c) Davanje mišljenja o saglasnosti za ratificiranje Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – *finansiranje sistema otpadnih voda u općini Široki Brijeg*

d) Davanje mišljenja o saglasnosti za ratificiranje Sporazuma o zajmu između Vijeća ministara BiH, Vlade Federacije BiH i Vlade Republike Srpske i Izvozno-uvozne banke Koreje (Vladina agencija za EDCF) – projekat modernizacije bolnica u Bosni i Hercegovini – Faza II.

Predsjedavajući Slavko Matić predložio je da se rasprava o prve četiri tačke dnevnog reda objedini što je i prihvaćeno.

Miroljub Krnić iz Ministarstva finansija i trezora BiH kazao je da se radi o četiri vrlo važna sporazuma koncesionalne prirode. Tri sporazuma pripremljena su u saradnji sa španskom vladom i sva tri su pod vrlo povoljnim uslovima s kamatnom stopom od 1,95 %. Vrijeme otplate je 19 godina, sa šest godina grejs perioda.

Što se tiče Sporazuma između Bosne i Hercegovine i izvozne banke Koreje, njegova vrijednost je 50 miliona dolara, polovično je lociran na dva entiteta i odnosi se na finansiranje potreba iz sistema zdravstvene zaštite, odnosno medicinske opreme. Sporazum je s kamatnom stopom od 1,5%, vrijeme otplate je 22 godine, s pet godina grejs perioda.

Nije bilo rasprave i Komisija je jednoglasno dala pozitivno mišljenje Predstavničkom domu u vezi s ratifikacijom ova četiri sporazuma.

e) Davanje mišljenja o saglasnosti za ratificiranje Protokola protiv nezakonite proizvodnje i trgovine vatrenim oružjem, njegovim djelovima, komponentama i municijom,

kojim se dopunjava Konvencija Ujedinjenih naroda protiv transnacionalnog organiziranog kriminala

Lejla Hadžić iz Ministarstva sigurnosti BiH kazala je da je Bosna i Hercegovina 2000. godine potpisala, a 2002. godine ratificirala Konvenciju Ujedinjenih naroda protiv transnacionalnog organiziranog kriminala. Ovaj UN-ov protokol je treći koji BiH treba da ratificira. BiH je donošenjem relevantnih zakona kao i pravovremenim ispunjavanjem međunarodnih obaveza ostvarila preduslove za pristupanje i ratificiranje ovog protokola.

Vedran Mulabdić iz Ministarstva sigurnosti BiH rekao je da je Ministarstvo sigurnosti BiH, odlukom Vijeća ministara BiH, formiralo međuagencijsku radnu grupu kojoj je cilj bio izrada seta zakona koji reguliraju problematiku oružja. Između ostalog, tu je i Zakon o oružju koji je sada u parlamentarnoj proceduri i koji treba biti usvojen s ciljem ispunjavanja obaveza iz ovog protokola. Zakon je u potpunosti usklađen s EU legislativom kojom se regulira ovu oblast.

Nije bilo rasprave i Komisija je jednoglasno dala pozitivno mišljenje Predstavničkom domu u vezi s ratificiranjem ovog protokola.

Sjednica je završena u 9,30 sati.

Zapisnik sačinio:

Miroslav Stanišić, stručni saradnik u Komisiji za vanjske poslove.

Sekretar Komisije

Merdžana Iglica

Predsjedavajući Komisije

Slavko Matić

Kopija MVP-u BiH